



PUO

KA

**LETONA LA NTS'ETSO PELE EA SECHABA
KETEKELONG EA LETSATSI LA NGOANA OA
MOAFRIKA 2020**

Bo-‘M’e le bo Ntate le lona bana

Ke motlotlo haholo ho fetisetsa molaetsa ona ho lona bana ka letsatsi, lena la bohlokoa, le ketekoang ke linaha tsohle tsa mokhatlo oa Selekane sa Linaha tsa Afrika (African Union) eo Lesotho e leng karolo ea lona. Mohoo oa selemo sena o re *Litsebeletso tsa kabo ea toka tse fihlelehang ho bana bohle ka har’a naha, molemong oa bona.*

“Access to child-friendly Justice system in Lesotho”

Bomme le bo Ntate le lona Bana ba ratehang

Selemong sena lefatse le tobane le qholotso e kholo ea seoa sa lefu la covid-19, lefu le tlisitseng liphetoho tse neng li sa lebelloa maphelong a sechaba. Le ha hole joalo Lekala La Nts’etso Pele ea Sechaba le ntse le ela hloko letsatsi lena, le hoja monongoaha ho keke hoa ketekoa ka ho khobokana. Maemong ana a Covid-19 re hlokometse hore ho ba ‘moho hoa malapa, ho phahamisa sekhahla sa tthekefetso ea bana, mme ba hloka tsireletso ea molao.

Re ea elelloa hore bophelo ba matsatsing ana bo fetohile haholo ha re bapisa le nakong e fetileng. Ha joale mebuso le linaha li nkile likhato tse matla ho sireletsa litokelo tsa bana, tse kenyeletsang kabo

ea toka (Access to Justice). Molao oa Lesotho oa Tsireletso le Polokeho ea Bana “Children’s Protection and Welfare Act (2011) o fane ka tsela eo Makhotla a Molao (courts of law) a lokelang ho tsamaisa litaba tsa bana ka teng maemong a fapakaneng litabeng tsa kabo ea toka.

Bo ‘M’e le bo ntate le lona bana

Hore kabo ea toka e be boemong bo lokelang bana re lokela ho netefatsa hore Makhotla a rona le oona a lokela hoba boemong bo nang le katamelo e hlokolosi ho bana (child-friendly courts) e le hore bana ba tsebe ho phutholoha ha ba le hona teng.

Re ele letsoe hore taba ea kabo ea toka ho bana ha e ame lekala la toka le molao feela empa lekala la heso la Nt’setso Pele ea Sechaba re fa n aka thuto e hlabollang ho bana ba anngoeng le baba hohlaneng le molao, Le bohle ba amehang kabong ea toka.

Takatso ea Lekala la Nts’etso Pele ea Sechaba ke ho bona litereke tsohle li ba le makhotla a bana (Children’s courts) a ikemetseng, joaloka seterekeng sa Maseru, kaha sena se tla potlakisa hore linyeoe tsa bana li phetheloe kapele.

Ke ipiletsa ho bohle ba amehang, hore tsohle re ka li fihlela ha feela re ka aha metheo e tiileng ea tsebelisano (cooperation) le nelehetsano ea mosebetsi (coordination), e le ho potlakisa nako ea ho abela bana toka ka tsela e amohelang, “Me re lokela ho ruta bana ka melao e ba sireletsang khahlanong le tthekefetso ea mefuta eohle.

Ke qetella ka ho le hopotsa hore ke boikarabello ba bohle ho netefatsa hore litokelo tsohle tsa bana li ea hlonepshoa.

Khotso

Pula

Nala